

ბერი პორფირი კავსოკალიველის ერთი სასწაულის შესახებ



... კიდევ ერთ ისტორიას მოგიყვებით. ეს თვითონ ამ ისტორიის გმირისგან შევითყვევ გასულ წელს, ათენში ყოფნისას. ერთი მდიდარი ქალი ბერი პორფირის სულიერი შვილი იყო. ამ ქალს ჰყავდა ვაჟიშვილი, რომელსაც ათენში ერთი გოგონა შეუყვარდა. მაშინ ეს ბიჭი ტაძარში არ დადიოდა და დიდი ნდობა არ ჰქონდა არც მღვდლების და არც სხვა რამის, რაც ეკლესიასთან იყო დაკავშირებული. ასე რომ, მას უყვარდა გოგონა, დედამისს კი არ მოსწონდა ის, არ ვიცი რატომ, მაგრამ არ მოსწონდა. ბოლოს დედამ ჰკითხა ბერს: გერონდა, ეს გოგონა არის ჩემი ვაჟის შესაფერისი? ბერმა უპასუხა: არა, ჩემო ძვირფასო, არ არის შესაფერისი. – მაშ როგორ გადავარწმუნო? – უთხარი, მოვიდეს ჩემთან სასაუბროდ. დედამ ბერის ნათქვამი შვილს გადასცა, მაგრამ მან არ ისურვა – „წავიდე სადღაც, რომელიღაც ბერთან, რომ მან კიდევ რაღაცები მითხრას“. და ბიჭი არ წავიდა. ის მილიონერი იყო, ძალიან ბევრი ფული ჰქონდა. მან გადანყვიტა თავის გოგონასთან ერთად ლონდონში წასულიყო და იქ ეთხოვა, ცოლად გაჰყოლოდა. ყმანვილმა მშობლებს გამოუცხადა, რომ მათი სურვილის მიუხედავად, დანიშნავდა გოგონას: „ყველაფერი გადანყვიტულია, მე მას წავიყვან და დავინიშნებით, თქვენ კი რაც გინდათ ის ქენით“.

დედამ ეს ამბავი ბერს მოუყვა, მან კი უპასუხა: კარგი, უთხარი, რომ ახლა მაინც, როდესაც ლონდონში გაემგზავრება, დამირეკოს, რომ წინდობის წინ ვაკურთხო. დაუყენე პირობა, უთხარი: კარგი, ჩემო შვილო, გაძლევ კურთხევას დაქორწინდე მასზე, ოღონდაც ბერს დაურეკე. დედამ შვილს ბერის ტელეფონი მისცა და უთხრა (ამას თვით ეს ყმანვილი მომიყვა): კარგი, მოიყვანე ცოლად, რაკი გიყვარს, მხოლოდ ერთი პირობით – ვიდრე გამოუცხადებ, რომ ცოლად მოგყავს, წინდობამდე, დაურეკე ბერს და კურთხევა სთხოვე. თუკი ასე მოიქცევი, ჩვენი მხრიდან წინააღმდეგობა არ გექნება, დაქორწინდი მასზე და მთელ მემკვიდრეობას მოგცემთ. შვილმა უთხრა: თუკი მთელი პრობლემა ამამია, ეგრე იყოს, დაურეკავ.

ვაჟი ლონდონში გაემგზავრა, შევიდა სასტუმროს ნომერში თავის გოგონასთან ერთად, შემდეგ ჩავიდა ადმინისტრატორთან და სთხოვა ტელეფონით ესარგებლა. თავის გოგონას კი ჯერ არაფერი განუცხადა და არ უთქვამს, რომ ბერ პორფირის ურეკავდა: რცხვენოდა. და რა უნდა ეთქვა? რომ მიდის ბრმა ბერთან დასარეკად? გოგონა ვერ გაიგებდა. ამგვარად, მან დაურეკა ბერს და ეუბნება: გერონდა, დიმიტრი ვარ, კურთხევა მინდა გთხოვოთ. ბერი პასუხობს: ერთი წუთით მოიცადე, არ დაკიდო ყურმილი. ტელეფონში რაღაც შრიალი გაისმა და ბიჭი ჩაერთო თავისი სასტუმრო ოთახის ტელეფონის ხაზში. წარმოგიდგენიათ? ეს ყველაფერი 300 ნომრიან სასტუმროში ხდება! ამგვარად, ტელეფონი დაუკავშირდა მისი ოთახის ტელეფონის ხაზს, სადაც მისი გოგონა დარჩა. და აქ ბიჭს ესმის, რომ გოგონა ესაუბრება თავის მეგობარს ათენში და ეუბნება: ჩვენ ლონდონში ჩამოვედით. დღეს ის მეტყვის, რომ ცოლად მოვყავარ და დავინიშნებით. შემდეგ მე მას გამოვკრეფ, მთელ ფულს

გამოვწურავ მისგან და დაგიბრუნდები, რადგან მხოლოდ შენ მიყვარხარ... და ა.შ., ამის მსგავსი. დარეტიანებული ბიჭი უსმენდა თავისი გოგონას საუბარს მის მეგობართან. ეს საუბარი რომ მოისმინა, მან ისევ შრიალი გაიგონა ტელეფონში, შემდეგ კი ბერის სიტყვები: რა გინდოდა, ჩემო ძვირფასო? – არაფერი, გერონდა, მაკურთხე, – უპასუხა მან, დადო ყურმილი და განწყვიტა ის ურთიერთობა, რომელიც მას უბედურებას მოუტანდა.

— ambioni.ge